

**PROJEKAT „PODRŠKA JAČANJU LOKALNE SAMOUPRAVE FBIH U PRUŽANJU EFEKTIVNIJIH I  
EFIKASNIJIH USLUGA“**

**KOMPONENTA „JAČANJE LOKALNE DEMOKRATIJE / DEMOKRACIJE IV (LOD IV)“**

**ZABILJEŠKA SA SAVJETOVANJA NA TEMU: „LOD METODOLOGIJA I NJENA PRIMJENA“**

**Mjesto održavanja:** Sarajevo, Hotel „Sarajevo“

**Datum i vrijeme održavanja:** 5. april / travanj 2016. godine; 09:00 – 13:00

**Prisutni:**

- 1. Aida Jelinić - Federalno ministarstvo energije, rudarstva i industrije;**
- 2. Sanela Jakubović - Federalno ministarstvo prometa i komunikacija;**
- 3. Esma Palić - Federalno ministarstvo rada i socijalne politike;**
- 4. Senada Sabitović-Karić - Federalno ministarstvo raseljenih osoba i izbjeglica;**
- 5. Selma Kličić - Federalno ministarstvo prostornog uređenja;**
- 6. Semra Buza - Federalno ministarstvo poljoprivrede, vodoprivrede i šumarstva;**
- 7. Zdenko Perić - Federalno ministarstvo razvoja, poduzetništva i obrta;**
- 8. Šuhra Šehagić - Federalno ministarstvo okoliša i turizma;**
- 9. Selma Osmanagić-Agović - UNDP – LOD IV;**
- 10. Šejla Hasić - Savez općina i gradova FBiH;**
- 11. Adi Imamović - Savez općina i gradova FBiH;**
- 12. Edin Demirović - Savez općina i gradova FBiH.**

Savjetovanje je organizirao Savez općina i gradova Federacije BiH, u saradnji sa Razvojnim programom Ujedinjenih nacija u BiH (UNDP), u svrhu pružanja podrške vertikalnoj integraciji LOD metodologije kao mehanizma za transparentno finansiranje projekata organizacija civilnog društva (OCD) po standardima Evropske unije.

Održavanje ovog savjetovanja rezultat je zaključka sa održane radionice za predstavnike federalnih ministarstava na temu: „Raspodjela budžetskih sredstava organizacijama civilnog društva“, od 16.07.2013. godine.

Savjetovanje se sastojalo od dva dijela. U prvom dijelu, Selma Osmanagić-Agović je putem prezentacije upoznala učesnike sa dosadašnjim projektnim aktivnostima, ostvarenim rezultatima kao i budućim koracima projekta Jačanje lokalne demokratije/demokracije LOD.

U drugom dijelu, Adi Imamović je prezentirao LOD metodologiju, kojom prilikom je upoznao učesnike sa osnovnim principima na kojima se temelji LOD metodologija, koracima u primjeni, te postupcima i pratećom dokumentacijom.

Osnovni cilj današnjeg savjetovanja je bio da se iznađe način na koji bi se LOD metodologija prihvatila kao obavezujući dokument prilikom dodjele sredstava OCD na entitetskom nivou.

Tokom rasprave, Selma Osmanagić-Agović je istakla kako je Brčko Distrikt BiH u procesu izrade Zakona o grantovima kojim će se regulisati način dodjele sredstava OCD, dok je u Republici Srpskoj Ministarstvo uprave i lokalne samouprave donijelo Odluku kojom se preporučuje općinama i gradovima primjena LOD metodologije, a Ministarstvo finansija usvojilo metodologiju koja se u značajnoj mjeri naslanja na sadržaj LOD metodologije.

Svi učesnici su se složili da *Odluka o usvajanju metodologije za transparentno finansiranje projekata organizacija civilnog društva po standardima Evropske unije*, koju je donijela Vlada Federacije Bosne i Hercegovine („Sl. novine FBiH“, br. 23/14), nije dovoljna kako bi sva federalna ministarstva prilikom raspodjele sredstava OCD koristila LOD metodologiju.

Na kraju savjetovanja učesnici su prihvatili sljedeće zaključke:

- LOD metodologija kao instrument za transparentnu dodjelu sredstava OCD je prihvatljiva za federalna ministarstva i ista se preporučuje svima na korištenje;
- Odluka o usvajanju metodologije za transparentno finansiranje projekata organizacija civilnog društva po standardima Evropske unije, koju je donijela Vlada Federacije Bosne i Hercegovine („Sl. novine FBiH“, br. 23/14) može poslužiti kao polazna osnova i referenca za izradu akta koji će biti obavezujući za organ uprave;
- Savez općina i gradova FBiH i UNDP će u saradnji sa Federalnim ministarstvom finansija i Federalnim ministarstvom pravde dogovoriti koji oblik norme je potrebno donijeti kako bi LOD metodologija bila obavezujuća za provedbu;
- Informaciju i zaključke sa današnjeg savjetovanja uputiti svim ministrima u Vladi Federacije Bosne i Hercegovine.

Zabilješku sačinio  
Edin Demirović